



Gusto Nang Umuwi ni Goya

Eka Yulianti

Dewi Mindasari



 The Asia Foundation



Nakakatakot ang umagang iyon para kay Goya. Lumalakas na ang ulan at tumataas na ang tubig-baha.

Hindi nagtagal ay tinangay na si Goya ng tubig-baha bago pa niya mailigtas ang kaniyang sarili.



Naghanap ng mapanghahawakan si Goya gamit ang kaniyang mga kuko.



Nang makita
nita ang isang lagusan, pumasok siya upang
makaiwas sa rumaragasang tubig-baha.



Ano kaya ang lugar na ito?
Hindi alam ni Goya kung nasaan siya.



Madilim at madumi rito.
Marami ring nakatatakot na ingay.
Natatakot si Goya.
Gusto na niyang makauwi na agad.



Ayun! May liwanag.
Marahil ay iyon ang daan pauwi.



Hmmm...

Ang bango-bango!

Gutom na si Goya.

Amoy ito ng pagkain sa bahay.

Malapit na nga ba ito sa kanilang tahanan?



Bakit maraming bata dito?
Hala! Hindi ito ang bahay ni Goya.



"Tingnan niyo!" sigaw ng mga bata. "May isang buwaya!"

Bakit mukhang takot na takot sila? At bakit sila sumisigaw ng "buyawa"?

"Tingnan niyo! May isang buwaya!"

Nasaan ba itong buwaya na sinisigaw nila?

Nagtataka si Goya. Takot si Goya sa mga buwaya.



"Mag-ingat, mayroong isang buwaya!"
Mas lumakas ang sigaw ng mga bata.
Ngayon ay dapat makatakas si Goya.



Tumingin ito sa paligid. Ngunit, wala namang buwaya.

Wala sa kanan o maging sa kaliwa!



"Alis, buwaya! Alis, huwag kang lalapit!" sigaw ng mga bata kay Goya.

Naku! Baka nasa likod ko ang buwaya. Baka kailangan ko din sumigaw para umalis ang buwaya.



"Ahhhhhhh!" sigaw ng mga bata.

"Ahhhhhhh!" sigaw rin ni Goya.



"Takbo!" sigaw ng mga bata.

"Takbo!" sigaw ni Goya.

Mabilis na tumakbo ang mga bata.

Tumakbo rin si Goya.

Ayaw ni Goya na mahuli siya ng buwaya.



Nagmadaling bumalik si Goya sa lagusan.
Umaasa siyang hindi na siya susundan ng
buwaya.



Bilisan mo, Goya. Bilisan mo pa ang paglangoy!



Alam ni Goya ang lugar na ito.
Sa wakas ay nakauwi na si Goya.



Pagod at gutom na si Goya.
Naghanap siya ng pagkain.



Sandali lamang.

Iyon ba ang repleksyon ng aking mukha
sa tubig? nagtatakang tanong ni Goya sa
kaniyang sarili.



"Biglang napagtanto ni Goya kung bakit sumisigaw ang mga bata."

Akala nila ako ay isang buwaya! Napaisip si Goya. "Ngunit ako ay hindi isang buwaya, ako ay isang <I>water monitor lizard</I>. At hindi lang 'yon, ako rin ay takot sa mga buwaya!"

Ano sa tingin ninyo?

Mukha bang buwaya si Goya?

Brought to you by



The Asia Foundation

Let's Read is a program of The Asia Foundation that supports early reading skills and habits to develop our next generation of critical thinkers and creative innovators in Asia and the Pacific.


To read more books like this and get further information,
visit: letsreadasia.org

Original Story

Gusto Nang Umuwi ni Goya (*Goya Wants to Go Home*). Author: Eka Yuliati. Illustrator: Dewi Mindasari. Editor: Nurhayati Pujiastuti.

Published by The Asia Foundation - Let's Read, © The Asia Foundation - Let's Read. Released under CC-BY-NC-4.0.

This work is a modified version of the original story. @ The Asia Foundation, 2022. Some rights reserved. Released under CC-BY-NC-4.0.



For full terms of use and attribution,
<http://creativecommons.org/licenses/by-nc/4.0/>

Contributing translators: Ralph John Purilan, Jane Mauricio, Cromwell Quibolen, Rosario Balane, Karen Alejo, Jhe Purisima, Michelle Dela cuesta, Json Kim, Rhoda Dela Torre, Sarren Mae Batiancela, and Ruel Toralba

